

INDEPENDENT CHURCH OF INDIA
KRISTIEN THALAI PÂWL INTHUOI DÂN (BYE-LAW)
(Revised 2023)

BUNG – 1

- HMING** : Hi pâwl hi Kristien Thalai Pâwl ti nîng a ta, Independent Church of India hnuoiah department pakhat ning a tih.
- HUOMCHIN** : Independent Church of India huom sînga Kristien Thalai Pâwl Unit indina a umna taphawt huom a tih.
- INTHLUNGNA**: Ministries Department, Independent Church of India (ICI)
- MOTTO** : KRISTA TA DINGA THALAI (YOUTH FOR CHRIST)
- EMBLEM** : ICI Emblem nîng a tih. (Annexure I)
- FLAG** : Kristien Thalai Pâwl flag nei nîng a tih. General Conference in tha a ti angin buotsai a tih. (See Annexure II)
- HLAPUI** : Lal lengkim Thawthei. A ziek le a sak dân ding chu (Annexure III-a angin)

BUNG – 2

THILTUMHAI

Hi pâwl hin I. C. I. inenkawl dân le ro fepuî dân le inmilin a hnuoiahai hi a thiltum ning a tih:

1. Pathien kuoma ropuina inhlân le chawimawina pêk.
2. Member po poin Isu Krista sandamna chang seng theina dinga hmalâk.
3. Krista Chanchin tha puongdar.
4. Krista hnungzuitu tha ni dinga insiem.
5. Kohran dân inza a kalchawi le kohran dân anga inneina inza le insukhmu.
6. Kohran kut le ke ni dinga inbuotsai.
7. Pathien thu le hla a insukhmasâwn.
8. Harsahai sawmdâwl, thangpuingai hai thangpui le lâwmhai lâwmpui.
9. Mani intodelna ding le midang sawmdâwl na dinga a tul angpeia Project indin.
10. Khuo-le-tui tha ni dinga insiem.
11. Kohran thuring (doctrine) indiktaka chel.

BUNG – 3
UNIT/CITY CHURCH KTP

Biekin pakhata inlawi thalaia hming ziekhai po inzawm khawmna nîng a tih.

I. UNIT KTP COMMITTEE: Unita Thalaihài enkawltu ding committee um a ta, chu chu Unit KTP Committee ti nîng a tih. Unita thuneitu nîng a tih.

A. MEMBER DINGHAI:

- 1) Unit a member tam dân dungzuia Committee member dinga mi 3 - 20 thlanghai. (OB le committee members)
- 2) Bieltu/Awptu Pastor, Pro.Pastor, Central le Presbytery KTP Committee member an umna unit ah.

B. OFFICE BEARER: Chairman, Vice Chairman, Secretary, Asst. Secretary, Finance Secretary, Treasurer le ODC le Birthday Gift Finance Secretary ning an tih. A thei phawt chun Chairman chu Local church committee member laia mi ning a tih.

C. TERM OF OFFICE: Kum tin Local Church Committee inrawina hnuoiah Presbytery/Field KTP Conference zo charah thlang nîng a ta, Office Bearerhai chu term thum bâk sin pangngai dingin a zâwnin thlang thei ni naw ni hai.

D. THLANG THEI DINGHAI:

- (1) KTP hming zieka thanghai. (2) Dân zâw kim
- (3) Khawtlâng le sawrkâr khap inruithei thaw ngailo.

II. UNIT KTP COMMITTEE SIN DING HAI:

- (1) Unit thalai Pâwl hrât dân ding le hmasâwn dân ding ngaituong a tih.
- (2) Presbytery/Mission Field KTP Conference le committee ro bawzui tulhai bawzui a tih.
- (3) Thalai member le property record thataka siemin kawltu a tih. Property kawltu ding chu Committee in ruot a tih.
- (4) Thalai thiltumhai unit level ah a thei ang tâwpa sukputling dingin thang lêng a tih.
- (5) A tul dân i zirin sub-committee indinin mawphurna pêng a tih. Chu sub-committee a chairman chu unit KTP committee member laia mi a ni ngei ding a nih.
- (6) Presbytery/Mission Field KTP Conference a thu thelût dinghai ngaituoin thelût a tih.

III. CITY CHURCH KTP

Khawpui kohran pakhat inlawi thalaia hming ziekhai po inzawm khawmna nîng a tih.

1. KTP COMMITTEE: Khawpui pakhat a thalaihai enkawltu ding committee um a ta, chu chu KTP Committee ti ning a tih. Khawpui kohran thalai sînga thuneitu ning a tih.

A. MEMBER DINGHAI:

- 1) Member tam dân dungzuiin Committee member dinga mi 3 - 20 thlanghai.
- 2) Bieltu/Awptu Pastor, Pro.Pastor le Central Committee member an umna ah.

B. OFFICE BEARER: Chairman, Vice Chairman, Secretary, Asst. Secretary, Finance Secretary, Treasurer le ODC le Birthday Gift Finance Secretary ning an tih. A thei phawt chun Chairman chu Local church committee member laia mi ning a tih.

C. TERM OF OFFICE: Kum tin Local Church Committee inrawina hnuoiah thlang ning a ta, Office Bearer hai chu term thum bâk sin pangngai a dingin a zâwnin thlang thei ni naw ni hai. Central committee ruokchu kum thum sînga ding thlang an tih.

D. THLANG THEI DINGHAI:

- (1) KTP hming zieka thanghai. (2) Dân zâw kim.
- (3) Khawtlâng le sawrkâr khap inruitheï thaw ngailo.

2. COMMITTEE SIN DING HAI:

- (1) Thalai Pâwl hrât dân ding le hmasâwn dân ding ngaituong a tih.
- (2) Committee ro hai bakah General Conference, Central Committee rohai bawzui tul hai bawzui a tih.
- (3) Thalai member le property record thataka siemin kawltu a tih. Property kawltu ding chu Committee-in ruot a tih.
- (4) Thalai thiltumhai city church level ah a thei ang tâwpa sukpuittling dingin thlang lang a tih.
- (5) A tul dân i zirin sub-committee indinin mawphurna pêng a tih. Chu sub-committee a Chairman chu KTP committee member laia mi a ni ngei ding a nih.
- (6) General Conference a thu thelût dinghai ngaituoin thelût a tih.
- (7) Central Committee Member (kum thum sînga ding) ding pakhat thlang a tih. General Conference ah Palai ding chu Chairman le Secretary ning an ta, an lo thei naw chun an ai ding mi tir thei an tih.c

BUNG – 4

PRESBYTERY/MISSION FIELD KTP CONFERENCE

Presbytery/Field Conference chu Presbytery/Field pakhat sînga rorêlna insângtak nîng a ta, kum tin nei ni hlak a tih.

A. MEMBER DING HAI:

- (1) Member hlun: Unit KTP Office Bearers, Presbytery/Field Committee members, Central Committee members, Missionary/ Pastor thawklaihai le Pro. Pastorhai an umna Presbytery/Field ah. Presbytery Chairman, Presbytery Musical Board Chairman le Secretary.
- (2) Member danghai: Unit KTP tinin palai 2 pei tir thei an ta, hi bâka hin member-50-a inthawka chungtieng umnahai chun member 50 dang tling pei aiah palai 1 pei tirs a thei an tih.
- (3) Presbytery/Field KTP Committee in tul ati anga mi a fielhài (vote nei thei nawni hai).

B. OFFICE BEARERS: Chairman, Vice Chairman, Secretary, Asst. Secretary, Finance Secretary, Treasurer, ODC le Birthday Gift Finance Secretary, Presbytery/Field Conference in member laia mi thlanghai. Office Bearerhai hi sin pangngaiah term hni bâk a zâwnin thlang thei ni naw ni hai. Chairman le Vice-Chairman chu namdetna (ordination) chang a ni ngei ding a nih.

C. TERM OF OFFICE: Assembly term zuiin kum thum sîng ning a tih.

D. THLANG THEI DINGHAI:

- (1) Palai list a thang ngei a ni ding a nih.(2) Dân zâw kim.
- (3) Khawtlâng le sawrkâr khap inruitheï thaw ngailo.
- (4) ODC thataka pe.

E. PRESBYTERY / FIELD KTP CONFERENCE SIN DING HAI:

- (1) Unit tina inthawka thu thelût (agenda) hai rêl a tih.
- (2) General Conference, Central Committee, Central Executive Committee ro bawzui tulhai bawzui a tih.
- (3) Presbytery/Field Committee member ding 5-9 thlang a tih.
- (4) Central Committee member ding palai laia mi pakhat thlang a tih. Hi bâka hin member 500-a inthawka chungtieng umnahai chun member 500 dang tling pei aiah member pakhat thlang thei a tih.
- (5) General Conference a thu thelût dinghai (agenda) ngaituoin thelût a tih.
- (6) Presbytery/Field KTP Committee in kumkhat sînga ding budget a siem chu approve thawng a tih.

- (7) General Conference a palai ding member 100 pei aiah 1 pei thlang an tih. Presbytery/Field KTP Committee thlang ding khawmin pe thei a tih.
- (8) Thalai Conference a thu rêlhai (resolution) Presbytery/field Conference le Thalai General Conference ah pe lût a tih.
- (9) Presbytery/Mission Field KTP Committee resolution hai enin, siemthat tulhai siem thain, peiin pawm a tih.
- (10) Presbytery/Field KTP Conference nei ding thuah thu nei a tih.
- (11) Presbytery Standing/Field Committee haiin Election Comission dinga an thlang/ruothai inrawina hnuaiah inthlangna (Election) nei hlak a tih.

F. PRESBYTERY/MISSION FIELD KTP COMMITTEE:

Presbytery/Mission Field KTP Conference kârlaka ro bawzui tulhai bawzuitu ding committee um a ta, chu chu Presbytery/Field Committee ti nîng a tih. Assembly term zuiin kum thum sînga dingin Presbytery/Field Conference-in thlang a tih.

I. PRESBYTERY/FIELD KTP COMMITTEE MEMBERS:

- (1) Presbytery/Field KTP Conference a Office Bearerhai chu Presbytery/Field KTP Committee Office bearer ni nghâl an ta, chubâka chun Presbytery/Field KTP Conference-in member laia mi 5-9 (panga-pakuo) chen Committee membera dinga thlanghai.
- (2) Central Committee members, Presbytery Secretary, Field Secretary, an umna Presbytery/Field-ah.

II. PRESBYTERY/FIELD KTP COMMITTEE SIN DING:

- (1) Presbytery/Field KTP Conference ro bawzui tulhai bawzui a tih.
- (2) Presbytery/Field KTP Conference kârlaka ngaituo tulhai ngaituoin rêl a tih.
- (3) Presbytery/Field KTP Conference program siem a tih.
- (4) Presbytery/Field-a KTP budget ding lo siemlâwkin Conference-ah pêng a tih.
- (5) Presbytery/Field sînga Kristien Thalai Pâwl hrâtna ding le hmasâwnna ding ngaituoin thang lîng a tih.
- (6) Presbytery/Field KTP Property hrim hrim Presbytery Committee-in a kawltu ding ruot a tih.
- (7) Nomination Committee ni nghâl ata, Conference agenda dinghai lakhâwmin, belsain, peiin, siemrêl a tih.

- (8) Committee member a thang sunzawm thei naw ding an um chun committeein tul a ti chun a aiaw ding mi ruot a ta, Conference hmasatakah suknghet a tih.

BUNG – 5

GENERAL CONFERENCE

Biel pumpui huopa Kristien Thalai Pâwl rorêlna insâng tak nîng a tih. Kum tin General Conference vawikhat nei hlak a tih, a hman dân ding chu General Conference rêl dân ang pei nîng a tih.

A. MEMBER DING HAI:

- (1) **Member hlunhai:** KTP Central Committee members, ICI Executive Officers, Pastor thawk lai hai, Pro Pastor, Presbytery/Field KTP Office bearers. City church KTP Chairman le Secretary ning an ta, an lo thei naw chun an ai ding mi tir thei an tih.
- (2) Member danghai: Presbytery/Field tinin an member 100 ai peia 1 an thlang.
- (3) Assembly Musical board Chairman le Secretary.
- (4) General Conference-in mi a phal pêkhai (vote nei naw ni hai).

B. OFFICE BEARER: General Conference in member lai a mi Chairman, Vice Chairman, Secretary, Asst. Secretary, Finance Secretary le Treasurer a thlanghai ning an tih. Chairman le Vice Chairman chu namdetna chang laia mi an ni ding a nih. Office Bearerhai hi term khat bâk sin pangngaiah a zâwnin thlang thei ni naw nihai.

C. TERM OF OFFICE: Assembly term zuiin term khat chu kum thum ning a tih.

D. GENERAL CONFERENCE SIN DING HAI:

- (1) Presbytery/Field KTP Conference resolutionhai enin, siem thain, thiekin pawm a tih.
- (2) Presbytery/Field tina Kristien Thailai Pâwl sukhrâtna ding ngaituoin rêl a tih.
- (3) A thu rêlhai (resolution) Executive Council ah pelût a tih.
- (4) General Conference Office Bearer thlang a ta, Executive Committee Member ding mi 4 member laia mi thlang a tih.
- (5) Sum hmu dân ding lampui ngaituoin siem hlak a tih.
- (6) Plan le Budget siemin sukpuittling dân ding ngaituoin hma lîng a tih.
- (7) Kohran dang amani le pâwl dang le inzawmna, sin thaw tlângna ding thu ah General Assembly ah intlun a tih.

- (8) Kristien Thalai Pâwl thiltumhai sukputlingna ding ngaituoin hma lăng a tih.
- (9) Central Committee rohai siemthain, peiin, pawm a tih.
- (10) General Conference nei dân ding thuah thu nei a tih.

BUNG – 6

CENTRAL COMMITTEE:

General Conference kărlaka ro bawzui tulhai bawzuitu ding Committee um a ta, Central Committee ti nîng a tih.

A. MEMBER DINGHAI:

1. General Conference Office Bearerhai chu Central Committee Office Bearer ni nghâl an tih.
2. Presbytery/Field/ City church KTP haiin Central Committee Member dinga an thlanghai. (Presbytery/Mission Field/City Church Central Committee member dinga thlanghai an thangzawm theinaw ding a lo ni chun an Presbytery/Mission Field/City church committee in an aiaw ding thlang an ta Conference/Annual Session hmasa takah sukngghet an tih)
3. Executive Committee memberhai.

B. TERM OF OFFICE: Assembly term zuiin kum thum sung ning a ta, Presbytery/Field/City Church a Central Committee member hai chu an biel Conferene zoa charge an inhlân hunah an term tâwp a tih.

C. CENTRAL COMMITTEE SIN DING HAI:

- (1) General Conference rorêl le a kărlaka rorêl tulhai rêlin bawzui a tih.
- (2) General Conference koin General Conference programme siem a tih.
- (3) Executive Committee in budget a siem lo thlîr lâwkin General Conference ah pelût a tih.
- (4) Nomination Committee ni nghâl a ta, General Conference-a thulût ding (agenda) hai lakhâwmin, belsain, peiin siemrêl a tih.
- (5) Youth Co-ordinator rawngbâwlina report dawngin ngaithlăng a tih.

BUNG – 7

EXECUTIVE COMMITTEE:

Central Committee kărlaka ro le thutulhai bawzuitu ding Committee um a ta, Executive Committee ti nîng a tih.

A. EXECUTIVE COMMITTEE MEMBER DINGHAI:

- (1) General Conference Office Bearerhai, Department Head, Youth-Co-ordinator.
- (2) General Conference-in mi pali a thlanghai le Music Promoter.

B. EXECUTIVE COMMITTEE SIN DING HAI:

- (1) Central Committee thurêlhai bawzui a tih.
- (2) Central Committee kărlaka thu tul le inhmawhai ngaituoin rêl a tih.
- (3) Central Committee inthungna ding program siemin ko a tih.
- (4) Budget lo riruongin Central Committee ah pelût a tih.
- (5) Office bearer term laklaw lai a lo châwl chun Executive Committee-in a aiaw ding thlang a ta, General Conference hmasa takah sukngghet nîng a tih.
- (6) Audit report hai dawngin bawzui tulhai bawzui a tih.
- (7) ICI Central Choir Chairman, Choir Conductor, Asst. Choir Conductor le Choir Member ding ruot a tih.

BUNG – 8

SUM THU

A. SUM HMING:

1. Central Sum: One Day For Christ, Birthday Gift, KTP Day thawlăwm, Project Fund le Centralin sumhnâr a siemhai.
2. Presbytery Sum: Thalai Faitham, Thlathar thawlăwm le Presbytery KTP-in sumhnâr a siem hai.
3. Unit KTP Sum: KTP-in sumhnâr a siemhai.

B. SUM ENKAWL DÂN:

1. General Conference hminga sum hmanagna ding chu General Conference in siem a tih. General Conference kărlaka sum hman ding le hmuna ding chu Central Committee in General Conference aiin siem a ta, bawzui a tih.
2. Central Thalai inenkawlina dinga Presbytery/Field/City Church KTP anthawka target le sum hmu suok CKTP tienga submit chihai hrim hrim chu City Church, Field le Presbytery ah an tâng ding a ni naw a, an hmatieng CKTP Finance Secretary kuomah a rêngin submit wawng ding a nih.
3. Thalai sum CKTP account chu Assembly Auditor haiin audit an ta; Presbytery/Field/Unit Account chu Presbytery Auditor haiin Audit an tih. Central (CKTP) /Presbytery/Field/Unit a sum enkawltuhaiin Audit Statement le report hai chu an inthlungna

Executive/Presbytery/Field/Unit Committee inthungna hmasatak ah phar an ta, bawzui tul a um chun bawzui nghâl an tih.

4. Budget puotienga sum sêng tulna inhmaw a um chun tumkhata dingin Central Comiittee/Executive Committee haiin a tul ang peiin sanction thei an ta, General Conference hmasa takah intlun an tih. Presbytery/Field KTP Committee khawmin sum sêng tulna inhmaw a um chun Presbytery/Field KTP Committee-haiin a tul ang peiin sanction thei an ta, Presbytery/Field KTP Conference hmasa takah intlun an tih.
5. Central Kristien Thalai Pâwl sum hrim hrim chu Central Kristien Thalai Pâwl Finance Secretary kuomah an hma thei angkata thawn nghâl pei ding a nih.
6. Finance Secretary in sum a hmu hrim hrim receipt pein cash-book ah zieklût nghâl a ta, treasurer kutah a peklût theina hmasatak ah a lût nghâl ding a nih. Treasurer remchâng naw lei niloa submit naw a tuoksuol a tuok chun a maw phur a tih.
7. A thei phawt chun Bank umna taphawt Central/ Presbytery/ Field/ Unit KTP haiah Bank Account hawng nîng a ta, Treasurer in Rs. 10,000/- (singkhat) chen kaw l thei a ta, a bâk po chu Bank ah a sie vawng ding a nih. Bank-a sie lo a, a kawla tuoksiet a tuok chun a kaw l thei chin bâk po chu a mawphur a tih. Bank um nawna hmunah tuoksiet a tuok chun concern Committee in ngaituong a tih.
8. Kristien Thalai Pâwl sum hrim hrim concern Committee phalna umlo chun a hmang le midang an hmangtir phal an nawh.
9. ICI Finance Rule angin sum submit hunah Challan hmang nîng a tih.

BUNG – 9

TA/TE

1. Thawktu rawngbâwla inzhin hai chun ICI Financial Rules Section 2.09 na dungzuiin bill thei an tih.
2. General Conference le Central Committee inthungna (General Conference kâr lak a chun hieng ang hin T.E. bill thei an tih.
 - (a) General Conference palai (Member hlun le Conference in a thlanghai) ding le Central Committee member hai chu a tirtu Presbytery/Field/City Church in an T.E. pêng a tih. T.E. bill chu an Presbytery/Field/ City Church Committee Chairman kutah pelût an ta, a endik hnung ah approved thawng a tih.

- (b) Executive Committee member thawktu nilo chun an T.E bill (Tour-Diary) chu Chairman ah pelût a ta, a endika, a pawm hai chun Treasurer ah bill la thei an tih.
- (c) General/Presbytery/Field Conference haia Assembly Musical Board, Presbytery/Field Musical Board palai hai chu a tirtu Musical Board-in TE/TA pêng a tih

BUNG – 10

DEPARTMENT HEAD LE INLAICHINNA

1. Department Head in thalai biel pumpui huopa thu pawimaw inhriettir tul a nei chun CKTP Chairman/Secretary inhriettir hlak a tih.

BUNG – 11

YOUTH CO-ORDINATOR (YCO) RAWNGBÂWL DÂN DING

OFFICIAL

1. Rawngbâwla an zin naw chângin Independent Church of India Thalai Office, ICI Secretariat ah Office kai a tih.
2. Conference, Central Committee le Executive Committee thurêl hai po po sukpuittling a ni theina dingin hma lêng a tih.
3. Kristien Thalai Pâwl statistics record book siemin kaw l a ta, Presbytery/Field/City Church a hai thawndar hlak a tih.
4. Presbytery tina Kristien Thalai Pâwl hai ngîrhmun hrietpuin an hrât thei dân ding ngaituoin thurâwn pe hlak a tih.
5. Central Kristien Thalai Pâwl thilhai chu feltaka record-in Office ah kaw l a tih.
6. Biela rawngbâwlna ding Tentative program chu a tul ang peiin Central/Executive committee le inrâwn/inhrepawin siem hlak a ta, Department Head-ah intlun hlak a tih.

PASTORAL

1. KTP hrâtna dingin thu le hla ah an mamaw ang peiin châwm a tih. Camp, Seminar, Crusade-Department head le Executive Committee hrietpuinain nei hlak a tih.
2. Thalai sukhrâtna dingin a tul ang peiin biel fang hlak a tih.
3. Thalaihai mamaw a pêk theina dingin Department Head/CKTP Executive Committee hrietpuinain Training, Conference ah fe thei a tih.
4. KTP Central Committee kuomah a rawngbâwl dân report pêng a tih.

5. A rawngbâwl dân le KTP ngirhmun General Conference ah ziekin report pe hlak a tih.
6. Thlatina a rawngbâwlina report chu Department Head le CKTP Chairman/Secretary kuomah pêng a tih.

DISCIPLINE : Kohran Inthuoi Dân Bu a mi hmang ning a tih.

BUNG 12 SIEMTHAT LE SUKDANGLAMNA

Hi Inthuoi dân (KTP Bye-law) hi siemthat tul a um chun General Conference rorêlna a member hmun thuma the a hmun hni (2/3 majority) remtinain amendment dingin Executive Council fethlengin Assembly-ah intlun a tih.

Annexure I.

EMBLEM : ICI Emblem
Hrîlfiena : ICI Emblem hrîlfiena.
Motto : Krista ta dinga Thalai.

Annexure II.

KTP FLAG (KTP Puonzâr).

A. FLAG RAWNG :- A puon rawng hi chikhat nîng ata, a vâw ning a tih.

A vâw hin thalaihai chu Krista ta dinga thienghlim ding ei nih ti an entir.

B. FLAG SÛNGA THU ZIEK DING HAI:-

- (a) Puonvâr a lailungah (a size le inmawitâwkin) ICI emblem ziek nîng a ta. Chu emblem chu rawng pâwl (blue colour) a ziek ding a nih. Emblem sũaga thu ziekhai chu rawng sen (red colour) a ziek nîng a tih.
- (b) Emblem hnuoi chie a chun KTP Motto le CENTRAL/ PRESBYTERY/ FIELD/ UNIT hming chau, rawng pâwl (blue colour) a ziek nîng a tih.

C. A LIEN DÂN LE A SEI DÂN (Size):- A khang 2'.6" X a dung 4'.6

D. A HMANG DÂN DING:-

1. KTP Day (ursun taka keipharna huser hmang hlak ding)
2. KTP Week, KTP Conference le KTP in programme a siemna hai ah târsuok ding.
3. Thalai member thi niin sũapuinain biekin tuolah (Compound) a ngul chenvea khai ding a nih.

Annexure III

KTP HLAUI (Youth Anthem: LAL IENGKIM THAWTHEI (Vuok hni a thlep ding)

Lal Iengkim thawthei Pathien chu,
An thieng ie, Ân thieng ie;
Ropuina, chawimawina, thilthawtheina chatuonin
I ta a nih.
Vânglai pârmawina hai I siema,
Chuoî theilo ding chatuon hringna I mi pêk.
Aw Siemtu Pathien Lal ropui kan inpâk che.

Khawvel thuneina chu peiin,
Suol simin, vânglai hun;
Kan hrâtna, kan mawina, kan hringna leh I kuomah
Kan hung inhlân,
Rinumna hmuna khawm mi chel la,
I ram san dinga kan hung pungkâwm châng hin;
Aw Lalpa nangin kan rohai mi rêl pêk rawh.

Krista ta dinga thalai hai,
Thangruolin, lungruolin,
Zâm loin, kîr loin Lalpa ta di'n chatuonin kal pên ei tiu.
Suol bawi a'nthawka min tansuokin,
Vân khuo le tua le thiempu a mi siemtu,
Aw chawimawi ei tiu Lalpa chu Haleluiah! A....men.

A sak dân ding:

- (1) Inza tak le ursuntaka ngîrtluna sak ding.
- (2) Chângkhatna po kut khaithlâk ding.
- (3) Chânghnina a inthawkin chângtieng kut vawitieng âwma bela a tâwp chena sie ding.
- (4) Sound track hmang ding a ni chun CKTP-in hmang dinga a siem 'sound track' chau hmanga sak nîng a tih.

BUNG – 13 I.C.I. CENTRAL CHOIR

- | | |
|-------------------|--|
| 1. Hming | : 'I.C.I. Central Choir' ti nîng a tih. |
| 2. Inthlungna | : ICI Central Kristien Thalai Pâwl |
| 3. Thupui (Motto) | : 'Lalpa chu inpâk ro' (Praise the Lord) |
| 4. Emblem | : ICI Emblem |

5. Term of Office : Assembly term zuiin kum thum pei nîng a tih.

I. A THILTUMHAI:

1. Hlaa Pathien biek, inpâk le chawimâwi.
2. Hla hmanga Chanchin tha puongdar.
3. Hla le Music-a thalai hai suk hmasâwn.
4. A tulna le remchângna hmun haia hlaa rawngbâwl.

II. MEMBER DING HAI:

1. Central Kristien Thalai Pâwl Executive Committee-in hla tienga thilpêk nei mi, mi 16 a inthawk chungtieng tul a ti zât zât a ruothai chu nîng an tih.
2. Member lâk thar thua CKTP Executive Committee mawphurna ning a tih. Member lâk belsa tul a ni chun Choir committee in member ding zawngin Central Executive Committee ah intlun a tih.

III. THLANG THEI DING HAI:

1. Râwl thatna tienga thilpêk nei mi.
2. Mi piengthar le nungchang mawi.
3. Tawngtami le inngaitlâwm mi.
4. Mi taima le thuawi thei mi.
5. Mawphurna sukputling ngei tum mi.
6. Mani invawng thienghlim mi.
7. Thuom inchâwitâwka inchei mi.

IV. THUOITU THLANG DÂN DING:

(1) Office Bearer:

- (a) Chairman – CKTP Executive Committee in Executive Committee member laia mi thlang a tih.
 - (b) Choir conductor & Asst. Choir Conductor: Executive Committee in thlang/ruot a tih.
 - (c) Secretary, Asst. Secretary, Finance, Treasurer- Choir member laia mi in thlang an tih. Asst. Secretary chun rawngbâwl na le activity po po kimchang takin record a tih.
- (2) Committee Member ding Choir memberhaiin anni laia mi 3 thlang an tih.
- (3) **ADVISER:** Central Kristien Thalai Pâwl Chairman, Secretary, Youth Co-Ordinator, Department Head le Music Promotor hai ning an tih.

V. COMMITTEE SIN DING HAI:

- (1) Pâwl siemrem thu ah mawphur an ta, tul an ti chun iengtik hun a

khawm pâwl sawnkuol thei an tih.

- (2) Hla inchûk dân ding rêl hlak a tih.
- (3) ICI puotienga rawngbâwl na ding a chun Department Head/ Executive Committee remti puina la hmasa pei a tih.
- (4) CKTP Executive Committee ah report pe hlak a tih.
- (5) Hla inchûk hunah Choir Conductor in conduct pei a tih.
- (6) Choir hlasak/inchûk ding chu committee-in ngaituong a tih.

VI. THUOITU HAI LE INLAICHÎNNA:

- (1) Kristien Thalai Pâwl Executive Committee in term laklaw lai khawm nisien a tulna a um chun Central Choir Committee, thiekin siemtha thei a tih.
- (2) A tulna hun le hmuna chun Department Head, Youth Co-Ordinator, Central Committee le Central Kristien Thalai Pâwl Executive Committee haiin rawngbâwl dingin phût thei an tih.
- (3) Central Choir-in harsatna a nei chun Central Kristien Thalai Pâwl Executive Committee kuom ah intlun pei a tih.
- (4) Central Choir resolutionhai chu CKTP, Executive Committee a copy pe ve pei an tih.

VII. UNIFORM CHUNGCHÂNG:

- (1) A tul ang peiin Central Kristien Thalai Pâwl Executive Committee hrietpuinain Choir Committee in ngaituo pei a tih.
- (2) Uniform hai hi duottaka enkawl ding a ni a, Choir Committeein a ti hun a naw chu hmun danga hâk phal ni naw nih.
- (3) Choir member nilohai chun kawle inbel phal ni naw nih.
- (4) Choir nina a tâwp chun uniform Choir suma inchâwk a kawlhài Choir Committee kutah a submit ding a nih.
- (5) Dân in a phal bâk miin a lo hmanga hmêl hemna a um chun a tharin a thleng ding a nih.

VIII. SUM CHUNGCHÂNG

1. Central Choir Committee in a remhriet dân ang ang in sum hmuna ding Central Kristien Thalai Pâwl Executive Committee hrietpuinain ngaituo thei a tih.
2. Rawngbâwl dinga fiel anni a sum seng tulna a um chun a fieltuhai mawphurna nipei a tih.
3. An sum hmu le hmanghai hrim hrim chu Assembly auditor han audit pei an ta, audit report chu Choir Committeein CKTP Executive Committee kuomah pe hlak a tih.

IX. RULES AND DISCIPLINE:

1. Member laia tukhawmin hmingsietna a nei chun ama le ama an bân anga ngai nîng a ta, Choir Committee in report a pêk dungzuiin CKTP Executive Committee-in a tul angin action lâng a tih.
2. Hla inchûkna le rawngbâwlna hmun hai ah hâwp le hmuom phal a ni nawh.
3. A san mumal hriet umlo/hril umloa hla inchûkna ah a zâwna tum 3 nêka tam thanglo hai le regular taka thang tha peilo hai chu Choir Committee in ngaituong a ta, Central Kristien Thalai Pâwl Executive Committee ngaituo dingin intluna tih.
4. Nuhmei le pasal innêl taluo le a kawpa um fâl phal an nawh.
5. Hla inchûkna a le rawngbâwlna dingah theinawna neihai chun ziek or tawngbauin thuneituhai kuomah intlun hlak ding a nih.
6. Hla inchûk zâtin hminglamna le tawngtaina nei zie nîng a tih.
7. Member lai ICI thawktu a lo thanga, rawngbâwlna ding leia a sin thul a lo tul a ni chun Choir Committee in Department Head kuomah official duty a pawm dingin ngênna siem pêk a tih.
8. Member laia min siet le that a lo tuok chun Choir Committee in a theina insângtak inlangtir a tih.
9. Choir member laia min ama tieng harsatna leia thang thei ta naw ding a ni chun an hma thei angin ziek ngeiin Choir Chairman/Secretary kuomah an tlun ding a nih.
10. Kohran le khawtlang danhai inzaa chawisangtu a ni ding a nih.
11. Kumkhatah wawi thum bêt retreat an nei ngei hlak ding a nih.
12. Executive Committee in tul a ti hunah allowance siempêk thei a tih.

XI. CHOIR CONDUCTOR MAWPHURNA:

1. Choir memberhai an thlarau ngîrhmun en peiin Pathien thu le hlaah sukhât dân ding ngaituo hlak a tih.
2. Hla inchûk ding ngaituo le ko thua committee le inhrepawin hma la hlak a tih.
3. Music track hmang ding lo ngaituo hlak a tih.
4. Hla inchûknaa thanguitua dingin music tienga thiemna neihai tul a ti angin fiel thei a tih.
5. Choir memberhai thuoi (picking) le thak (dropping) thua Choir Chairman/Secretary leh inhrepawin arrangement buotsai hlak a tih.
6. Hla inchûkna ding (hla ziek) buoipui thua Secretary leh inhrepawin lo buoipui hlak a tih.

XII. SIEMTHAT LE SUKDANGLAM

Hi Choir Bye-law hi siemthat tul a um chun General Conference rorêl pâwl (simple majority) remti nain amendment thaw thei ning a tih
